

საქართველოს 1921 წლის კონსტიტუციის მიღება იმდროინდელ ქართულ პრესაში

კონსტიტუცია

გუმინ დამფუძნებელმა კრებამ გამართა საგანგებო სხდომა მთელი კონსტიტუციის მისაღებად.

„საქართველო“, 22 თებერვალი, 1921 წ. N41 გვ. 2.

საქართველოს კონსტიტუცია

21 თებერვალს საღამოს სხდომაზე დამფუძნებელმა კრებამ დაამთავრა კონსტიტუციის განხილვა და საბოლოოდ მიიღო ის.

„ერთობა“, 23 თებერვალი, 1921 წ. N 41, გვ.2.

საქართველოს კონსტიტუცია

თებერვლის 21-ს საღამოს სხდომაზე დამფუძნებელმა კრებამ ზარბაზნების გრიალში და ომის ალში გახვეულმა დაამთავრა კონსტიტუციის განხილვა და საბოლოოდ მიიღო ის.

„სახალხო საქმე“, 24 თებერვალი, 1921 წ. N 1061, გვ.2.

კონსტიტუციის დამთავრება

ომის ალში და ბოლში გახვეული საქართველოს უზენაესი დაწესებულება დამფუძნებელი კრება იმვიათი სიმტკიცით და შეურყევლობით განაგრძობდა თავის საშვილიშვილო საქმეს - საქართველოს კონსტიტუციის შემუშავებას. ორი წლის განმავლობაში წარმოებდა ეს მუშაობა. ყოველი დებულება, ყოველი სიტყვა პროექტისა აწონ-დაწონილი და ყოველმხრივ განხილული იყო ჯერ საკონსტიტუციო კომისიაში, შემდეგ პრესაში, პარტიულ ყრილობებზე და კონფერენციებზე და სხვა პარტიულ დაწესებულებებში. ეს მესამე თვეა, რაც დამფუძნებელი კრების პლენუმი შეუდგა პროექტის განხილვას. მან უკვე მოათავა პროექტის საზოგადო განხილვა, იმ მთავარი პრინციპების შეფასება, რომელზედაც უნდა აშენებულიყო ჩვე-

ნი რესპუბლიკის სახელმწიფოებრივი შენობა. მოთავებული იყო აგრეთვე პროექტის თავობრივი განხილვაც, რომლითაც დამფუძნებელ კრებას კონსტიტუციის თვითეული ნაწილი უნდა შეეთანხმებინა მთლიანისათვის. უკვე დაწყებული იყო „მესამე წაკითხვაც“, მუხლობრივი განხილვა კონსტიტუციის პროექტისა, როდესაც მოგვისწრო „წითელი“ ურდოების შემოსევამ, თფილისის ალყაშემორტყმამ და თფილისის დაცვისათვის ბრძოლამ. ზარბაზნების დგანდგარში და ტყვიის ზუზუნში მოუხდა დამფუძნებელ კრებას დაწყებული საშვილიშვილო საქმის დამთავრება. სიტყვის ნამდვილი მნიშვნელობით, მას ერთ ხელში ეჭირა ხმალი, რომლითაც იგი მტერს იგერიებდა, მეორე ხელში კალამი, რომლითაც იგი სახელმწიფოს უქმნიდა ძირითად კანონებს. მრავალი მისი წევრი ბრძოლის ველიდან ბრუნდებოდა კონსტიტუციის შემუშავებაში მონაწილეობის მისაღებად, ზოგს მათგანს ვერ მოესწრო სახეზე მოეწმინდა თოფ-ზარბაზნის მქვარტლი, ზოგს ბრძოლის ველზე დამავებულს, სისხლის მობანაც კი ვერ მოესწრო და მიუხედავად ამისთანა პირობებისა, მიუხედავად იმისა, რომ ამ პირობებს სრულიად ვერ უნდა შეექმნათ შესაფერი სულიერი განწყობილება კონსტიტუციის განხილვისათვის ისტორიული პასუხისმგებლობის შეგნებით გამსჭვალულმა დამფუძნებელმა კრებამ თავის ისტორიული დანიშნულების შესასრულებლად, თავისი მუშაობის დასავგირგვინებლად. დღეს საქართველოს აქვს თავისი კონსტიტუცია, თავისი პოლიტიკური სახე, რომლითაც იგი თამამად და ამაყად წარსდგება მსოფლიოს წინაშე.

„ერთობა“, 23 თებერვალი, 1921 წ. N 41, გვ.1.

კონსტიტუციის მიღება

წითელი ბარბაროსების ალყაში და ზარბაზნების გრიალში, დედა ქალაქის განკითხვის წუთებში ხალხის წარმომადგენლებმა ერის უზენაეს ორგანოში მიიღეს საქართველოს კონსტიტუცია.

საქართველო ცნობილი დიდ სახელმწიფოებისაგან ამბობს უკანასკნელ სიტყვას სახელმწიფოს დაფუძნების გზაზე.

კონსტიტუციის მიღება საქართველოს ხალხის იმ ღრმა რწმენის გამჟღავნებაა, რომ საქართველომ უნდა იცოცხლოს მარად და მარად. მის სიცოცხლეს ვერ შეაჩერებენ გარეშე ძალთა შემოსევანი.

საქართველო იცოცხლებს, მისგან შორს არის უიმედობა და ამის დამამტკიცებელი ის არის, რომ ხალხის წარმომადგენელნი თბილისის განკითხვის ჟამს კონსტიტუციას იღებენ.

კონსტიტუციის მიღება ერის უკვდავების ნიშანია, იცოდეს ეს მტერმა და ტყუილად ნუ შეეცდება საქართველოს მოკვლას. საქართველოს ბევრი უხილავს მტერი, რომელიც მოსულა მის დასამონებლად, მაგრამ მათი გაქცევაც უნახავს ქართველ ხალხს.

და დღესაც სწამს საქართველოს, რომ მის საერთაშორისო ოჯახში მიღებულ რესპუბლიკას, რომელსაც ამ ჟამად საკუთარი კონსტიტუციაც ხელთ აქვს, მტერი სულ მალე დასტოვებს.

ამისათვის თავგანწირულ ბრძოლას მთელი საქართველო შეუჩერებლივ აწარმოებს.

დიდება სამშობლოს, ჩვენი უახლოესი ნატვრა ამიერიდან იქნება, რომ რაც შეიძლება მალე იქმნას გაძევებული მტერი ჩვენი ტერიტორიიდან!...

სალამი ერის წარმომადგენლებს, დამფუძნებელ კრებას, რომელმაც ერთი ხელში ხმლით მტერს ეომა, ხოლო მეორე ხელში კალმით მშობელ ერს სამარადისო დაფუძნების კონსტიტუცია დაუწერა!..

ქართველი ერი გამხნევდება, ქართველი ერი უფრო მედგრად იბრძოლებს.

ირაკლი

„ბათუმის ცხოვრება“, 29 თებერვალი, 1921 წელი N 46, გვ.1.